



|                      |                |
|----------------------|----------------|
| TITEL                | SANDRA         |
| REŽIJA               | David Wramneby |
| BERŠ                 | 2012           |
| DLOGO                | 8 minutija     |
| PHUV                 | Švedska        |
| REK KOTAR BERŠ       | 4 berš         |
| FILMESIRI INSTRUKCIA | Nina Nykvist   |

ŠTAMPIMI VERZIA KOTAR  
[WWW.FILMCENTRUM.SE](http://WWW.FILMCENTRUM.SE)

### PARAMIZ

I Sandra tani panð beršengiri čaj hem oj tani alergično upri pi daj. A, šaj paljem i daj tani alergično upri pi čaj? O čačipe tano so i Sandra na resela pe daja odobor kobor so mangela. I Sandra mangela te arakhel jekh solucia ko akava problemi. Prvo đala ko doktori te rodel pomoč, ama o doktori phenela so našti te ovel alergično upri pi daj. Ama, ked i Sandra dobinđa panjesoro kostimi ko po bijando dive hem ljelja pe dajakere rukavice, tegani oj šaj te arakhi solucia ko akava problemi! I Sandra hem olakiri daj šaj akana te bešen barabar jekh zalo jekhate.

Ki akija tikni mistično paramiz, vačeri pe kotar jekh "normalno" familia so isi ola jekh nanormalno problemi, ama ki jekh šuži filmesiri forma. I slika tani sar karamela, i muzika tani fantastično hem i Sandra apsolutno but šukar khuvđa ko po karakteri. O filmi tano čerdo te šaj diskutirinen pe but avera pučiba.

## INTRODUKCIJA ANGLJEDER O FILMI

I Sandra isi ola jekh nanormalno alergija. Oj nane alergično upro mačke ja diso aver. Oj tani alergično upri pi daj! Ama, dobinđa jekh but šuži idea...



## E FILMESIRI TEMA

Sar ka osetine tut te našti te ove te dajaja hem te dadeja? Da li ka ovel odova sebepi o stres, i buti ja diso aver, o dad hem i daj ked nane othe e čhavore odova but dukhala.

Šaj li jekh čhavoro "te ljel o buča ano pe vasta" hem te arakhi jekh solucia ko baro problemi? Šaj odova nane normalno, ama ked šuneja hem ked dikheja i paramiz, odova šaj te čerel e čhavoresoro karakteri te ovel pozoralo!

I Sandra nakhela kotar jekh kriza; kotar dukh di ko momenti te anel odluka, kotar holji di ko šukaripe hem bari baht ked o problemi bitinđa. Panđeršengere čhavore nakhena odola momentija svako dive.

## STRES

O pobare manuša ano čer šaj dikehvar te oven but stresime. Sar dičhola odova? Sar dikhaja hem sar šunaja ked e Sandrakiri mama tani stresimi? Keda tu osetineja tut stresimo? Sar osetineja tut tegani? Dukhala tut li diso ked osetineja o stres? Isi li disave momentija ki škola ked osetineja stres? Vačer ando odova, šaj barabar sarine te dobinen šuže ideje, sar i Sandra, te čere potikno o stres!

## POMO KOTAR ŽIVOTINJE

O životinje našti te vačeren, ama oljendar šaj te dobina jekh aver pomoč. O filmi ked startirini dikhaja so i Sandra but mangela mačke, hem baš ko odova momenti ked čhelđa oljencar tegani dobinđa idea savi solucia šaj te arakhel ko olakoro problemi. (Šaj te dikha čače ked dobini i idea, sebepi lampa thabljola upro olakoro šero!). Mislineja so e panjesere mačke pomožinđe e Sandra te arakhi i idea? Pomožinđa li tut dikehvar dikeh životinja ked hine tut disavo problemi?

## HOLJAMI MUZIKA

Šun i muzika ko filmi. Ked tani i Sandra holjami šunđola o đesi but sar khuvela. Savo instrumenti pasuini ked tano o manuš bahtalo? A, ked tano mazumi? Probin disave instrumentija hem šun sar šunđona. Čer jekh tikno filmi ked hijan bahtalo hem ked hijan mazumi, hem arakh "korektno" muzika!

## O THAN KAJ SO BEŠEJA

O Filmu startirini jekhe crtime dizjaja, kaj avaja popaše nakri Sandra so bešela ki penđera hem crtini ko jekh ljil. Čer jekh slika sar TU bešeja ki penđera ko TOKLO čer, kaj so TU bešeja. Isi li pana avera čhera kaj so tu bešeja? Isi li parko, veš ja drumo uduri? So dikheja ko filmi? Dikheja li životinje? Vorda? Manuša? Crtni, bojin, lje slike kotar novine hem ljepin – čer jekh kolaž!